



Broj: 05-121-6/19

Sarajevo, 21. 02. 2019. godine

Na osnovu člana 64. stav (1) tačka b) Zakona o javnim nabavkama („Službeni glasnik BiH“, broj 39/14, u nastavku: Zakon), člana 70. stav (1), (3) i (6) Zakona, člana 8. stav 2. tačka d) Pravilnika o uspostavljanju i radu Komisije za nabavke („Službeni glasnik BiH“, broj 103/14), preporuke Komisije iz Zapisnika o pregledu i ocjeni ponuda, broj: 05-121-5/19 od 19. 02. 2019. godine i člana 16. Statuta Agencije za bankarstvo Federacije BiH („Službene novine Federacije BiH“, broj: 3/18) direktor Agencije za bankarstvo Federacije BiH donosi

O D L U K U

o izboru najpovoljnijeg ponuđača u postupku nabavke računarske opreme

I.

Prihvata se preporuka Komisije za provođenje postupka javne nabavke računarske opreme za potrebe Agencije za bankarstvo Federacije BiH (u nastavku: Ugovorni organ), putem otvorenog postupka i ugovor za predmetnu nabavku dodjeljuje se društvu „Time Code“ d.o.o. Sarajevo.

II.

Ukupna ponuđena cijena predmetne opreme iz člana 1. ove odluke, iznosi 38.293,70 KM, bez poreza na dodanu vrijednost (PDV), što u konačnici, s uračunatim PDV-om, iznosi 44.803,63 KM.

III.

Po okončanju roka za žalbu, Ugovorni organ će s izabranim ponuđačem zaključiti ugovor kojim će regulisati međusobna prava i obaveze.

IV.

U skladu s članom 70. stav (6) Zakona, Ugovorni organ objavit će ovu odluku na svojoj internetskoj stranici www.fba.ba, istovremeno s upućivanjem iste ponuđačima koji su sudjelovali u ovom postupku.

V.

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, saglasno članu 71. stav (2) Zakona.

O B R A Z L O Ž E N J E

Odlukom o pokretanju postupka javne nabavke računarske opreme, broj: 05-121/19 od 17. 01. 2019. godine, odobreno je provođenje postupka predmetne nabavke za potrebe Ugovornog organa. Javna nabavka provedena je putem otvorenog postupka, a kriterij za dodjelu ugovora je najniža cijena tehnički zadovoljavajuće i prihvatljive ponude. U skladu s članom 35. Zakona, Obavještenje o nabavci broj: 3010-1-1-53-3-24/19 objavljeno je na Portalu javnih nabavki, dana 01. 02. 2019. godine. Procijenjena vrijednost nabavke utvrđena je u iznosu od 42.500,00 KM – bez poreza na dodanu vrijednost (PDV).

U skladu s odlukom Ugovornog organa imenovana je Komisija za javne nabavke, kojom su definisane njene nadležnosti, koje uključuju poslove otvaranja, pregleda i ocjene ponuda, te davanje preporuke za odabir najpovoljnije ponude.

Slijedom navedenog, komisija je u okviru svojih nadležnosti i ovlaštenja provela predmetni postupak nabavke, te o tome sačinila Zapisnik o pregledu i ocjeni ponuda (u nasavku: Zapisnik), broj: 05-121-5/19 od 19. 02. 2019. godine u kojem je utvrđeno da je po predmetnom postupku evidentirano pet pravovremeno pristiglih ponuda, i to od strane sljedećih ponuđača: „Kodeks” d.o.o Sarajevo, „Time Code” d.o.o. Sarajevo, „Rebus” d.o.o. Sarajevo, „Elur” d.o.o. Kiseljak, „Digitarija” d.o.o. Sarajevo.

Na osnovu izvršene analize i ocjene prispjelih ponuda u pogledu kvalifikacijskih i cjenovnih uslova nadmetanja, komisija je utvrdila:

- da su ponude ponuđača „Time Code“ d.o.o. Sarajevo i „Digitarija“ d.o.o. Sarajevo kvalifikovane i prihvatljive, te da su dostavljeni svi traženi dokazi propisani Tenderskom dokumentacijom (u nastavku TD), na propisan način;
- da se ponude ponuđača „Kodeks” d.o.o Sarajevo, „Rebus” d.o.o. Sarajevo, „Elur” d.o.o. Kiseljak, odbacuju kao neprihvatljive na osnovu odredbi člana 68. stav (1) i (4) Zakona, s obzirom da navedeni ponuđači nisu ispunili u cijelosti sve zadane uslove iz tačke 3.3 TD (Ekonomska i finansijska sposobnost ponuđača - član 47. Zakona), kako slijedi:
- ponuđač „Kodeks“ d.o.o. Sarajevo je dostavio Izvještaj o računima poslovnog subjekta koji izdaje Centralna Banka BiH, sa datumom izdavanja starijim od datuma objave Obavještenja o nabavci, a što je u suprotnosti s uslovom navedenim u TD. Isti nije dostavio valjanu Potvrdu izdatu od strane banke, s navodima da „glavni račun“ privrednog subjekta nije bio blokiran zadnjih 12 (dvanaest) mjeseci od dana objave Obavještenja o nabavci (01. 02. 2019. godine);
- ponuđač „Rebus“ d.o.o. Sarajevo nije dostavio valjanu Potvrdu izdatu od strane banke, s navodima da „glavni račun“ privrednog subjekta nije bio blokiran zadnjih 12 (dvanaest) mjeseci od dana objave Obavještenja o nabavci (01. 02. 2019. godine);
- ponuđač „Elur“ d.o.o. Kiseljak je dostavio Izvještaj o računima poslovnog subjekta koji izdaje Centralna Banka BiH, sa datumom izdavanja starijim od datuma objave Obavještenja o nabavci, a što je u suprotnosti s uslovom navedenim u TD. Navedeni ponuđač je izostavio dostaviti Potvrdu banke u kojoj je otvoren „glavni račun“, a koja ja tražena tačkom 3.3 TD, te Aneks 11. – Povjerljive informacije, kao sastavni dio ponude.

U vezi s navedenim, u slijedećoj tabeli daju se rezultati rangiranja ponuda prema kriteriju za dodjelu ugovora, kako slijedi:

Redni broj	Ponuđači	Ukupna cijena, bez PDV-a
1.	Time Code d.o.o. Sarajevo	38.293,70 KM
2.	Digitarija d.o.o. Sarajevo	40.175,52 KM

Iz prednje navedenog vidljivo je da je izabrani ponuđač najbolje ocijenjen na osnovu zadanih kvalifikacijskih i cjenovnih uslova nadmetanja, pa je komisija za nabavke dala preporuke da se istom, saglasno članu 69. stav (1) tačka a) Zakona, dodijeli ugovor u predmetnom postupku nabavke računarske opreme.



U postupku donošenja ove odluke, ocijenjeno je da je komisija u svemu pravilno postupila te da je izbor najpovoljnijeg ponuđača izvršen u skladu sa Zakonom, podzakonskim aktima i TD.

Uvažavajući sve navedeno, primjenom člana 64. stav 1. tačka b) Zakona, člana 25., člana 70. stavovi 1., 3. i 6. Zakona, člana 8. stav 2. tačka d) Pravilnika o uspostavljanju i radu komisije za nabavke („Službeni glasnik BiH“, broj 103/14) i člana 16. Statuta Ugovornog organa, odlučeno je kao u tački I. ove odluke.

POUKA O PRAVNOM LIJEKU:

Protiv ove odluke može se izjaviti žalba Ugovornom organu – Agenciji za bankarstvo Federacije BiH, najkasnije u roku od 10 (deset) dana od dana prijema ove odluke, saglasno članu 97. i 101. Zakona. Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem Ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.



Dostaviti:

- svim učesnicima u postupku
- a.a.



Zmaja od Bosne 47b,
71000 Sarajevo,
Bosna i Hercegovina



T ++ 387 (33) 72 14 00
F ++ 387 (33) 66 88 11



E agencija@fba.ba
W www.fba.ba

FBA